



**JAVNO PREDUZEĆE
ŠUMSKO-PRIVREDNO DRUŠTVO
ZENIČKO – DOBOJSKOG KANTONA
d.o.o. ZAVIDOVIĆI**

Alije Izetbegovića br. 25
Tel. 032 877 834; Fax 032 879 029

Upisano u Registar Kantonalnog suda u Zenici
pod brojem: I-9014, Rješenje br. U/I 916/04
ID br.: 4218431050005
PDV b.r.: 218431050005 Por. br.:05072148
Transakcijski računi:
Union banka d.d. Sarajevo 1020320000013296
IK banka d.d. Zenica 1340300000062287
UniCredit banka Mostar 3384202214508407
Raiffeisen banka Sarajevo 1610550016400016

Broj: 60-2-2/19
Zavidovići, 11.03.2020 godina

Na osnovu člana 64, 25 i 70. Zakona o javnim nabavkama BiH (Službeni glasnik BiH, br. 39/14), a shodno Zapisniku o pregledu i ocjeni ponuda Komisije za javne nabavke od 10.03.2020 godine, u postupku javne nabavke **Nabavka usluga dugoročnog kreditnog zaduženja 60-2/19**, donosim

O D L U K U
o izboru najpovoljnijeg ponuđača

Član 1.

Prihvata se preporuka Komisije za nabavku broj: 60-2-1/19 od 10.03.2020.godine i Ugovor za javnu nabavku dodjeljuje se ponuđaču **ASA BANKA D.D.SARAJEVO** ponuda broj: 03-1042/20 dostavljena dana 25.02.2020.godine za ponuđenu cijenu **833.735,21 KM** koja se sastoji iz sljedećeg:

- a) **Nominalna kamatna stopa u vrijednosti 3,20% odnosno u iznosu 822.535,21 KM**
- b) **Naknada za obradu kredita u iznosu 11.200,00 KM**

Član 2.

Ova odluka stupa na snagu danom donošenja i dostavlja se svim ponuđača koji su učestovali u postupku javne nabavke u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj 60-2/19 od 26.12.2019.godine.

Javna nabavka je sprovedena otvorenim postupkom.

Procjenjena vrijednost javne nabavke bez PDV-a je 834.435,21 KM.

Komisija je imenovana Odlukom broj: 62-2/20 od 21.02.2020 godine. Svi članovi komisije su bili prisutni na javnom otvaranju ponuda kao i na sastanku prilikom pregleda i ocjene ponuda.

Na osnovu obavještenje o nabavci broj :360-1-2-1-3-1 /20 objavljeno dana 15.01.2020. godine i Odluke broj: 62-2/20 od 21.02.2020. godine Komisija je pristupila otvaranju ponuda dana 25.02.2020. godine u 12 sati.

Zapisnikom o javnom otvaranju ponuda konstatovano je prispjelo dvije blagovremene ponude za učestvovanje u nadmetanju za navedeni javni poziv i to od ponuđača:

1. Konzorcij – grupa ponuđača:
 - UNION BANKA DD SARAJEVO,
 - SBERBANK BH d.d. SARAJEVO,
 - INTESA SANPAOLO BANKA d.d. BIH i
2. ASA BANKA d.d. SARAJEVO.

Uvidom u pristiglu dokumentaciju Komisija je konstatovala sljedeće:

• Ponuda Konzorcij – grupa ponuđača: UNION BANKA DD SARAJEVO, SBERBANK BH d.d. SARAJEVO i INTESA SANPAOLO BANKA d.d. BIH nije kvalifikovana iz sljedećih razloga:

1. Izjava o ispunjenosti uslova iz člana 45. stav(1) tačka od a) do d) ZJN BiH i pismena izjava iz člana 52. ZJN BiH koja je dostavljena od strane člana Konzorcija - SBERBANK BH d.d. SARAJEVO nije pravno valjana.

Naime, pregledom navedenih izjava Komisija je utvrdila da je ovjeren potpis jednog lica od strane nadležnog organa, dok uvidom u dostavljeni Aktuelni izvod iz sudskog registra broj: 065-0-RegZ-20-001342 od 14.02.2020.godine, u dijelu lica ovlaštena za zastupanje subjekta upisa, evidentno je da navedeno lice ne može samostalno predstavljati i zastupati banku.

Konkretno lice čiji je potpis ovjeren od strane nadležnog organa ne može samostalno da predstavlja, zastupa, daje izjave u ime banke.

2. Izjava o ispunjenosti uslova iz člana 45. stav(1) tačka od a) do d) ZJN BiH i pismena izjava iz člana 52. ZJN BiH koja je dostavljena od strane člana Konzorcija - UNION BANKA DD SARAJEVO nije pravno valjana.

Naime, pregledom navedenih izjava Komisija je utvrdila da iste nisu pravno valjane jer su potpisane od strane lica-punomoćnika.

Uvidom u Aktuelni izvod iz sudskog registra broj: 065-0-RegZ-20-000786 od 29.01.2020.godine, u dijelu lica ovlaštena za zastupanje subjekta upisa, evidentno je da navedeno lice ne može samostalno davati punomoć, odnosno punomoć je pravno valjana ako je učinjena od strane dva člana uprave

Uvidom u generalnu punomoć broj: OPU-IP 374/16 od 28.06.2016. godine utvrdili smo da je punomoć data od strane jednog člana uprave banke, dok za istu kako je navedeno potrebno najmanje dva člana uprave banke.

3. Na Izjavi o ispunjenosti uslova iz člana 45. stav(1) tačka od a) do d) ZJN BiH i pismenoj izjavi iz člana 52. ZJN BiH koja je dostavljena od strane člana Konzorcija - SBERBANK BH d.d. SARAJEVO uočena je nepravilnost koja se ogleda u stavljanja potpisa i pečata banke na mjesto koje je predviđeno za potpis i pečat nadležnog organa za ovjeru potpisa.

Zbog gore navedenog ponudu Konzorcija : UNION BANKA DD SARAJEVO, SBERBANK BH d.d. SARAJEVO i INTESA SANPAOLO BANKA d.d. BIH ocjenjujemo kao nekvalifikovanu i odbacuje se iz daljnje evaluacije ponuda.

Ostali dokumenti koji su zahtjevani u tenderskoj dokumentaciji (Poglavlje 4. pod 4.1.) su dostavljeni u ponudi.

• Ponuda ASA BANKA d.d. SARAJEVO je pregledana i Komisija nije našla razlog za odbijanje ponude, odnosno dostavljeni su svi traženi dokazi propisani tenderskom dokumentacijom(Poglavlje 4. pod 4.1.), na propisan način.

- Rangiranje prihvatljivih ponuda prema kriterijumu za izbor ponude:

Redni Broj	Datum prijema ponude	Naziv ponuđača	Koverta ispravno zatvorena (da/ne)	Ukupna vrijednost ponude (KM bez PDV)	Popust (%)	Ukupna vrijednost ponude nakon odbijenog rabata (KM bez PDV)
1	25.02.2020.	ASA BANKA d.d. SARAJEVO	DA	833.735,21	-	833.735,21

Komisija za javnu nabavku dostavila je Direktor u Zapisnik o pregledu i ocjeni ponuda broj 60-2-1/19 od 10.03.2020 .godine sa Preporukom o izboru najpovoljnijeg ponuđača u postupku javne nabavke.

U postupku je utvrđeno da je Komisija za nabavku blagovremeno i pravilno izvršila otvaranje pregled i ocjenu prispjelih ponuda o čemu je sačinila odgovarajući zapisnik. U postupku ocjene provedenog postupka Direktor nije našao razloge, nepravilnosti niti propuste u radu, koji bi bio eventualno bili osnov za neprihvatanje Preporuke Komisije za nabavku.

Radi navedenog donesena je odluka o izboru najpovoljnijeg ponuđača kao u dispozitivu.

Pouka o pravnom lijeku: Protiv ove Odluke može se izjaviti žalba Ugovornom organu JP "ŠPD ZDK" d.o.o. Zavidovići u roku od 10 (deset) dana od dana prijema odluke.

Dostaviti:

1. Ponuđačima,
2. a/a



DIREKTOR:

Šašimir Devedžić, dipl.pravnik